



Monumentenfonds a firma cu Stichting Rancho awor cu restauracion di forno di kalki a keda cla



ORANJESTAD (AAN): Durante un atardi special riba Diabierna, den presencia di e partnernan di e proyecto, Stichting Monumentenfonds Aruba (SMFA) a celebra e finalisacion di e proyecto di restauracion di e forno di kalki y a firma un acuerdo di uzo cu Stichting Rancho.

Di awor en adelante, Stichting Rancho lo por haci uzo libremente di e forno di Kalki como parti di nan tournan y asina lo por continua cu e bon trabou cu e fundacion a bin ta haciendo e ultimo añanan pa asina educa y conscientisa e comunidad tocante e historia di e bario di

Rancho incluyendo e forno di kalki cu ta un monumento industrial di 128 aña bieu.

E ultimo biaha cu a restaura e forno tabata for di añanan setenta y e ultimo añanan e tabata den hopi mal condicion. Debi cu e ta trata di un obheto cu no por huur e ta haci dificil pa por yega na financiamiento pa un Proyecto asina aki. Pero danki na entre otro: Aruba Bank, VNO, Unoca y Prins Bernhard Cultuurfonds nos por a logra e proyecto aki y combine cu expansion di expertico local.

Durante un conferencia na Bermuda SMFA a drenta den contacto cu Parvenir Heritage Restoration and Maintenance company di Trinidad y Tobago cual ta un compania cu hopi experiencia pa traha cu kalki y cu e meta pa amplia e conocimiento di esaki den e area di Caribe. Asina a mira e oportunidad pa combina e restauracion cu un curso pa por haya e experticio den e ofishi aki cu a bay perdi na Aruba bek.



venir Heritage Restoration and Maintenance Company. Un total di 17 participante a sigui e curso y ricibi nan certificado di Enseñansa pa Empleo. Despues di e curso a continua cu e proyecto di restauracion den cooperacion cu Parke Nacional Arikok cu a pone rangersnan, cu a sigui e curso, disponibel pa hunto cu Parvenir Heritage Restoration and Maintenance company finalisa e proyecto.

E proyecto maske cu tabata uno simpel compara cu

proyectonan anterior, a enfrente algun contratiempo debi na e retonan den e area y e mal estado cu e forno tabata aden.

Pa finalisa e proyecto a dicidi pa cera e entradanan di e forno cu heki p'asina evita cualkier incidente tuma lugar den e forno manera den pasadò.

SMFA ta orguyoso di por a contribui na e desaroyo di e area di Rancho cu e proyecto aki y ta spera cu e esaki por ta un inspiracion pa futuro proyectonan den e area di Rancho.